

სს „სილქნეტის“ კუთვნილი ქსელის საკომუტაციო ტერმინალურ
ელემენტებთან დაშვებისა და ურთიერჩართვის (სატელეფონო
ზარების წამოწყება/დასრულების) მომსახურების შეთავაზების
წინადადება

(მ ო წ ვ ე ვ ი ს ო ფ ე რ ტ ა)

წინამდებარე ოფერტით განსაზღვრულია სს “სილქნეტის” (შემდგომში: „ოფერენტი“) კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების შეთავაზების პირობები, რომელიც ვრცელდება „ოფერენტთან“ ურთიერთჩართვის მსურველ ყველა ავტორიზირებულ პირზე (შემდგომში „აქცეპტანტი“) და მიღებულია ინფორმაციის გამჭვირვალობის უზრუნველყოფის ვალდებულების შესრულების მიზნით.

„ოფერენტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდება ხორციელდება შემდეგი პირობებით:

მუხლი 1. „ოფერენტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდების მისამართები (ურთიერთჩართვის წერტილი)

1.1. „ოფერენტს“ მისი კუთვნილი ფიქსირებული სადენიანი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) (შემდგომში „ურთიერთჩართვის“) მომსახურების მიწოდების ვალდებულება დაკისრებული აქვს საქართველოს კომუნიკაციების ეროვნული კომისიის 2010 წლის 17 სექტემბრის №428/9 გადაწყვეტილების სარეზოლუციო ნაწილის მეოთხე პუნქტით განსაზღვრულ ადგილობრივი მომსახურების ზონებში (გარდა რუსთავისა და ლენტეხის ადგილობრივი მომსახურების ზონისა) - დეტალური ჩამონათვალი მოცემულია დანართ №1-ში.

1.2. „ოფერენტის“ კუთვნილ ქსელთან ურთიერთჩართვის მომსახურების მიწოდების მისამართებია (ურთიერთჩართვის წერტილი):

- ა) თბილისის ადგილობრივი მომსახურების ზონა – თბილისი, წინამძღვრიშვილის ქ. №95;
- ბ) ქუთაისის ადგილობრივი მომსახურების ზონა – ქუთაისი, თამარ მეფის გამზ. №22;
- გ) ბათუმის ადგილობრივი მომსახურების ზონა – ბათუმი, 26 მაისის ქ. №47;
- დ) სხვა მომსახურების ზონები, რომლებიც განსაზღვრულია საქართველოს კომუნიკაციების ეროვნული კომისიის 2010 წლის 17 სექტემბრის №428/9 გადაწყვეტილების სარეზოლუციო ნაწილის მეოთხე პუნქტით (გარდა რუსთავისა და ლენტეხის ადგილობრივი მომსახურების ზონისა) - მისამართები მოცემულია დანართ №1-ში.

1.3. „აქცეპტანტი“ ვალდებულია საკუთარი ხარჯითა და რისკით უზრუნველყოს ციფრული ტრაქტების მიყვანა 1.2. პუნქტით გათვალისწინებულ მისამართებამდე (ურთიერთჩართვის წერტილ(ებ)ამდე).

1.4. წინამდებარე „ოფერენტის“ 1.2. პუნქტის დ) ქვეპუნქტით გათვალისწინებულ მომსახურების ზონებში „აქცეპტანტის“ მიერ ურთიერთჩართვის მომსახურების მიწოდების მოთხოვნის შემთხვევაში, „ოფერენტი“ იტოვებს უფლებას „აქცეპტანტს“ შესთავაზოს ურთიერთჩართვის წერტილის მოწყობა სხვადასხვა ალტერნატიული ტექნოლოგიური/ტექნიკური საშუალებებით.

მუხლი 2. ურთიერთჩართვის წერტილებში ტექნიკური საშუალებების გამოყენებული ინტერფეისების აღწერილობა

- 2.1. „ოფერენტის“ მიერ ურთიერთჩართვის განხორციელებისას გამოყენებული ინტერფეისის აღწერილობაა: Digital Interface ITU-T Rec. G.703, carrier E1, Audio codec G.711.
- 2.2. CCS 7 სიგნალიზაციის შემთხვევაში ურთიერთჩართვა უნდა განხორციელდეს შემდეგი პარამეტრების მიხედვით: Signaling Type - ISUP V2; Spans - SLC=0; Signalling Timeslot - 1; Timeslot 16 used for speech - Yes;

Dialing Mode (Outpulse) – Enbloc; Echo Control – YES; CRC4 – OFF, PCM Type – CCS, Allocation of the CICs (Circuit Identification Code): ITU Q.763 (03/1993) § 1.2.a PCM system identities start from binary zero: CIC = PCM*32 + TS. PCM: 0-n ; TS : 0-31

- 2.3. „ოფერენტისა“ და „აქცეპტანტის“ (შემდგომში: „მხარეების“) ურთიერთჩართვა ასევე შესაძლოა განხორციელდეს VOIP ტექნოლოგიით SIP სიგნალიზაციის გამოყენებით.
- 2.4. „აქცეპტანტი“ ვალდებულია თავისი საქმიანობა განხორციელოს „საქართველოს ელექტრონული საკომუნიკაციო ქსელების ნუმერაციის ეროვნული სისტემის დებულების“ შესაბამისად და საკუთარი ქსელიდან „ოფერენტის“ ქსელის მიმართულებით განხორციელებულ ზარებს მოაყოლოს ზარის წამომწყები აბონენტის ნომერი („ა“ ნომერი).

მუხლი 3. „ოფერენტის“ კუთვნილი ქსელთან ურთიერთჩართვის მომსახურების მიწოდების ტარიფები

- 3.1. „ოფერენტის“ კუთვნილ ფიქსირებულ სადენიან ქსელთან (რუსთავის ფიქსირებული სადენიანი ქსელის გარდა) ურთიერთჩართვის მომსახურების მიწოდების ტარიფი შეადგენს ყოველ ერთ წუთზე 2 (ორ) თეთრს, ხოლო ტანდემური ზარის ტარიფი ყოველ ერთ წუთზე - 3 (სამი) თეთრს;
- 3.2. „ოფერენტის“ კუთვნილ ფიქსირებულ უსადენო ქსელთან, ასევე რუსთავის ფიქსირებულ სადენიან ქსელთან ურთიერთჩართვის მომსახურების მიწოდების ტარიფი შეადგენს ყოველ ერთ წუთზე 4 (ოთხ) თეთრს, ხოლო რუსთავის ფიქსირებულ სადენიან ქსელთან ტანდემური ზარის ტარიფი ყოველ ერთ წუთზე შეადგენს (ხუთი) თეთრს;
- 3.3. „ოფერენტის“ კუთვნილი მობილურ ქსელთან ურთიერთჩართვის მომსახურების მიწოდების ტარიფი შეადგენს ყოველ ერთ წუთზე 14.8 (თოთხმეტი მთელი რვა მეათედი) თეთრს დღგ-სა და აქციზის ჩათვლით;
- 3.4. „ოფერენტის“ არჩევის კოდით – 10-16 მომსახურების პირობები რეგულირდება დამატებითი შეთანხმებით.
- 3.5. მესამე ოპერატორის ქსელში ზარის ტრანზიტული გატარების ტარიფი შეადგენს ზარის დასრულებისათვის „ოფერენტის“ მიერ ფაქტიურად გასაწევ ხარჯს დამატებული ერთი თეთრი, დღგ-ს ჩათვლით.
 - 3.5.1. „ოფერენტთან“ არაპირდაპირი, ტრანზიტული კავშირის ორგანიზება შესაძლებელია დამატებითი შეთანხმების საფუძველზე.
 - 3.5.2. „ოფერენტთან“ არაპირდაპირი, ტრანზიტული კავშირის ოპერატორის საშუალებით ჩართვის შემთხვევაში, „აქცეპტანტი“ უზრუნველყოფს ყველა სატრანზიტო ხარჯის დაფარვას. მომსახურების სახიდან გამომდინარე, „აქცეპტანტი“ ფარავს ზარის წამოწყებისა და ტრანზიტული მომსახურების საფასურს ან ზარის დასრულებისა და ტრანზიტული მომსახურების საფასურს.
 - 3.5.3. გამოძახებების „ოფერენტის“ ქსელის საშუალებით ტრანზიტული გატარების შემთხვევაში, „აქცეპტანტი“ ვალდებულია ტრანზიტული მომსახურების საფასურთან ერთად გადაუხადოს „ოფერენტს“ ზარის დასრულების (ტერმინაცია) საფასური, იმ ოდენობით, რაც შეთანხმებულია „ოფერენტსა“ და მესამე ოპერატორს შორის გაფორმებული ხელშეკრულებით.
- 3.6. „ოფერენტის“ ინიციატივით მის მიერ განხორციელებულ მომსახურებაზე ტარიფის ცვლილება შესაძლებელია განხორციელდეს ცალმხრივად, „ოფერენტის“ მიმართ კანონმდებლობითა და სსიპ საქართველოს კომუნიკაციების ეროვნული კომისიის (შემდგომში: „კომისია“) მიერ დადგენილი ვალდებულებების გათვალისწინებით, „აქცეპტანტისათვის“ წერილობითი შეტყობინების გაგზავნის საფუძველზე. შეტყობინება უნდა გაიგზავნოს ცვლილების განხორციელებამდე მინიმუმ 2 (ორი) კვირით ადრე მაინც. შეტყობინებას უთანაბრდება კანონმდებლობით დადგენილ შემთხვევაში მხარის მიერ ტარიფების გამოქვეყნება „კომისიის“ ვებ-გვერდზე. ამ პუნქტით გათვალისწინებული წესით ტარიფის ცვლილება უთანაბრდება „აქცეპტანტთან“ გაფორმებულ ურთიერთჩართვის ხელშეკრულებაში ცვლილების შეტანას.
- 3.7. თუ „აქცეპტანტი“ არ ეთანხმება ტარიფების ცვლილებას, იგი ვალდებულია წერილობით აცნობოს „ოფერენტს“ წინამდებარე ოფერენტის 3.6. პუნქტით გათვალისწინებული ვადის განმავლობაში. აღნიშნული ქმედება განხილულ იქნება როგორც უარი მომსახურების მიღებაზე, შესაბამისად, „ოფერენტი“ უფლებამოსილია დამატებითი გაფრთხილების გარეშე შეაჩეროს/შეწყვიტოს ხელშეკრულება წინამდებარე „ოფერენტი“ განსზაღვრულ მომსახურებაზე, კანონმდებლობით დადგენილი წესით.
- 3.8. თუ წინამდებარე ოფერენტის 3.6. პუნქტით გათვალისწინებული ვადის განმავლობაში „აქცეპტანტი“ წერილობითი ფორმით არ განაცხადებს უარს „ოფერენტის“ მიერ განსახორციელებელ ცვლილებაზე, ჩაითვლება, რომ აღნიშნული ცვლილება „აქცეპტანტის“ მიერ მიღებულ იქნა უპირობოდ.

მუხლი 4. „ოფერენტის“ კუთვნილ ქსელთან ურთიერთჩართვის განხორციელების პირობები და პროცედურები:

4.1. „აქცეპტანტი“ ვალდებულია წარმოადგინოს:

- ა) ავტორიზაციის დამადასტურებელი დოკუმენტი;
- ბ) ამონაწერი სამეწარმეო რეესტრიდან;
- გ) უფლებამოსილი პირის პირადობის მოწმობის ასლი;
- დ) გასააქტიურებელი ნუმერაციის რესურსის სალიცენზიო მოწმობის ასლი ან/და სხვა დოკუმენტი, რომელიც ადასტურებს კომპანიის მიერ ნუმერაციის ფლობის ფაქტს;
- ე) სრულად შევსებული განაცხადი (დანართი №2), განაცხადი იგზავნება ელექტორულად მისამართზე: carriers.request@silknnet.com და ფოსტით მისამართზე: სს „სილქნეტი“, წინამძღვრიშვილის №95, თბილისი, საქართველო;
- ვ) წინამდებარე ოფერენტის 4.1 პუნქტის ე) ქვეპუნქტის მიხედვით წარმოდგენილ განაცხადში დაფიქსირებული უნდა იყოს „აქცეპტანტის“ დასტური რომ იგი გაცნობილია, ეთანხმება და უპირობოდ შეასრულებს წინამდებარე ოფერენტში დაფიქსირებულ ყველა პირობას;

4.2. წინამდებარე „ოფერენტის“ საფუძველზე ურთიერთჩართვის ხელშეკრულების გაფორმებამდე „აქცეპტანტი“ ვალდებულია აგრეთვე წარმოადგინოს:

- გამოუთხოვადი საბანკო გარანტია, რომლის მოქმედების ვადა უნდა აღემატებოდეს სულ მცირე ერთ წელს;
- ან
- „ოფერენტის“ საბანკო ანგარიშზე საავანსო თანხის ჩარიცხვის დამადასტურებელი ქვითარი;

აღნიშნული საბანკო გარანტია/საავანსო თანხა წარმოადგენს „აქცეპტანტის“ მიერ „ოფერენტის“ წინაშე ნაკისრი ფინანსური ვალდებულების შესრულების უზრუნველყოფის საშუალებას. საბანკო გარანტიის/ავანსის წარმოდგენის და გამოყენების პირობები დამატებით განსაზღვრული იქნება მხარეთა შორის გაფორმებული ხელშეკრულებით. ზემოაღნიშნული საბანკო გარანტიისა და ავანსის ოდენობა დამოკიდებულია „აქცეპტანტის“ მიერ 4.1 პუნქტის ე) ქვეპუნქტის მიხედვით წარმოდგენილი განაცხადით მოთხოვნილი „ოფერენტის“ ქსელში ან/და მისი გავლით დასატერმინირებელი/დასასრულებელი წუთების რაოდენობაზე/დირექტულებზე და უნდა შეადგენდეს, სულ მცირე, ერთი თვის განმავლობაში დასატერმინირებელი/დასასრულებელი წუთების ორმაგ ოდენობას. ამასთან, წინამდებარე საბანკო გარანტიასთან/საავანსო თანხასთან დაკავშირებული ნებისმიერი ხარჯის (გადარიცხვის საკომისიო და ა.შ.) გაწევას უზრუნველყოფს „აქცეპტანტი“;

4.3. „ოფერენტი“ უფლებას იტოვებს, არ მოსთხოვოს „აქცეპტანტს“ წინამდებარე ოფერენტის 4.2. პუნქტით გათვალისწინებული პირობის შესრულება იმ შემთხვევაში, თუ ურთიერთგასაწევი მომსახურებების მოცულობის თანაფარდობიდან გამომდინარე, „აქცეპტანტის“ მიერ შემხვედრი ფინანსური ვალდებულების შესრულება უზრუნველყოფილია ურთიერთგაქვითვით.

4.4. იმ შემთხვევაში, თუ „ხელშეკრულება“ გაფორმდა და ძალაში შევიდა „აქცეპტანტის“ მიერ, 4.2. პუნქტით გათვალისწინებული საგარანტიო საშუალებების წარმოდგენის გარეშე, სახელშეკრულებო ურთიერთობის პერიოდში „აქცეპტანტის“ მიერ „ოფერენტის“ წინაშე ნაკისრი ფინანსური ვალდებულების დარღვევისას, „ოფერენტი“ უფლებამოსილია „აქცეპტანტს“ მოსთხოვოს ამ ოფერენტის 4.2. პუნქტით გათვალისწინებული უზრუნველყოფის საშუალებებიდან ერთ-ერთის წარმოდგენა, რაც „აქცეპტანტმა“ უნდა შეასრულოს მოთხოვნიდან 15 (თხუთმეტი) კალენდარული დღის ვადაში. „აქცეპტანტის“ მიერ უზრუნველყოფის საშუალების წარუდგენლობა შეიძლება გახდეს ურთიერთჩართვის შეჩერების/შეწყვეტის საფუძველი.

4.5. იმ შემთხვევაში, თუ „აქცეპტანტის“ მიერ განსაზღვრული სავარაუდო ტრაფიკი ურთიერთჩართვის ხელშეკრულების მოქმედების განმავლობაში გაიზრდება, „ოფერენტი“ უფლებამოსილია მოსთხოვოს და „აქცეპტანტი“ ვალდებულია 2 (ორი) კვირის განმავლობაში წარადგინოს ხელშეკრულების შესრულების გარანტია (საბანკო გარანტია ან ავანსი), რომელიც უნდა შეესაბამებოდეს 2 (ორი) თვის განმავლობაში „ოფერენტისთვის“ გადასახდელ თანხას გაზრდილი ტრაფიკის პირობებში. ამ პუნქტის დარღვევა

წარმოადგენს მხარეთა შორის დადებული ურთიერთჩართვის ხელშეკრულების პირობის არსებით დარღვევას და „ოფერენტი“ იტოვებს უფლებას შეუჩეროს/შეუწყვიტოს „აქცეპტანტს“ ხელშეკრულება, კანონმდებლობის მოთხოვნათა დაცვით.

- 4.6. „აქცეპტანტს“ განაცხადის გაკეთების მომენტისათვის არ უნდა გააჩნდეს „ოფერენტის“ წინაშე შეუსრულებელი ფინანსური ვალდებულება (დავალიანება).
- 4.7. „აქცეპტანტი“ ვალდებულია შეასრულოს წინამდებარე ოფერტის 4.2. პუნქტით გათვალისწინებული პირობა იმ შემთხვევაში, თუ განაცხადის გაკეთებამდე მას „ოფერენტთან“ არ ჰქონდა არანაირი სამართლებრივი ურთიერთობა წინამდებარე მოწვევის ოფერტით განსაზღვრულ მომსახურებაზე ან/და „აქცეპტანტის“ მიერ ნაწილობრივ ან/და არაჯეროვნად სრულდებოდა „ოფერენტის“ წინაშე ნაკისრი ფინანსური ვალდებულებები
- 4.8. ურთიერთჩართვის ტექნიკური უზრუნველყოფის ვადების ათვლა იწყება მხოლოდ იმ შემთხვევაში, თუ 4.1. პუნქტით განსაზღვრული დოკუმენტაცია „აქცეპტანტის“ მიერ „ოფერენტისათვის“ წარდგენილია როგორც ელექტრონული ფორმით, ასევე წერილობით.
- 4.9. „აქცეპტანტის“ მიმართვიდან 2 სამუშაო დღის ვადაში „ოფერენტი“ შეისწავლის აკმაყოფილებს თუ არა „აქცეპტანტის“ მიერ წარმოდგენილი დოკუმენტაცია და წერილობითი განცხადება 4.1. პუნქტში დაფიქსირებულ მოთხოვნებს. თუ „აქცეპტანტი“ ვერ აკმაყოფილებს 4.1. პუნქტის მოთხოვნებიდან ერთ-ერთს ან/და გააჩნია დავალიანება „ოფერენტის“ მიმართ, მას უბრუნდება განაცხადი და ჩაითვლება რომ აქცეპტი არ გაკეთებულა.
- 4.10. 4.9. პუნქტის შესაბამისად დადებითი პასუხის შემთხვევაში, „აქცეპტანტის“ მიმართვიდან 4 სამუშაო დღის ვადაში, „ოფერენტი“ შეისწავლის არის თუ არა ურთიერთჩართვის განხორციელება ტექნიკურად შესაძლებელი „აქცეპტანტის“ მიერ წინამდებარე ოფერტის 4.1. პუნქტის ე) ქვეპუნქტის მიხედვით წარმოდგენილ განაცხადში აღწერილი სქემითა და საშუალებებით და შეესაბამება თუ არა ისინი წინამდებარე ოფერტასა და წარმოდგენილ განაცხადში აღწერილ ტექნიკურ პარამეტრებს.
- 4.11. ოფერტის 4.10. მუხლის შესაბამისად უარყოფითი პასუხის შემთხვევაში, თუ ტექნიკური შესაბამისობის მიღწევა შეუძლებელია, „აქცეპტანტს“ უბრუნდება განაცხადი და ჩაითვლება, რომ აქცეპტი არ გაკეთებულა. თუ ტექნიკური შესაბამისობის მიღწევა შესაძლებელია - საჭიროა პროექტის მომზადება (ანუ ადგილი აქვს ისეთ შემთხვევას, როდესაც „აქცეპტანტმა“ მოითხოვა ურთიერთჩართვა თავის სადგურთან, რომლის განთავსებაც წინამდებარე ოფერტის 4.1. პუნქტის ე) ქვეპუნქტის მიხედვით წარმოდგენილი განაცხადის მიხედვით არ არის მოთხოვნილი „ოფერენტის“ შესაბამის თანალოკაციის ფართზე ან/და აღნიშნულ მისამართზე ურთიერთჩართვაზე განაცხადის შემოტანის დროს არ არის „აქცეპტანტის“ მოთხოვნის დასაკმაყოფილებლად საკმარისი თავისუფალი თანალოკაციის ფართი), მაშინ 5 სამუშაო დღის ვადაში ხდება პროექტის მომზადება (ამასთან, თუ არ არის პროექტის განხორციელების ტექნიკური საშუალება - საჭირო არის ახალი კაბელის ჩადება) - „აქცეპტანტი“ ვალდებულია იმოქმედოს „ოფერენტის“ ელექტრონული საკომუნიკაციო კანალიზაციის არხებთან დაშვების შეთავაზების წინადადების (მოწვევის ოფერტის) მიხედვით, ხოლო წინამდებარე ოფერტით გათვალისწინებული მოქმედებები შეჩერდება ტექნიკური საშუალების გაჩენამდე - ახალი კაბელის ჩადებამდე (ამასთან, ჩერდება წინამდებარე ოფერტით გათვალისწინებული „ოფერენტის“ ყველა ვალდებულება და ყველა ვადის ათვლა). თუ წინამდებარე მუხლის მიხედვით მომზადებული პროექტის განხორციელების ტექნიკური საშუალება და პირობები მიუღებელია, მაშინ „აქცეპტანტს“ უბრუნდება განაცხადი და ჩაითვლება რომ აქცეპტი არ გაკეთებულა.
- 4.12. 4.10. და 4.11. პუნქტების მიხედვით გათვალისწინებული მოქმედებების დასრულების შემდეგ, თუ წინამდებარე ოფერტის 4.1 პუნქტის ე) ქვეპუნქტის შესაბამისად წარმოდგენილ განაცხადში მოთხოვნილია თანალოკაციის ფართის გამოყოფა, იგი საჭიროა მოთხოვნილი სქემით ურთიერთჩართვის განსახორციელებლად და აღნიშნულ მისამართზე ურთიერთჩართვაზე განაცხადის შემოტანის დროს არის „აქცეპტანტის“ მოთხოვნის დასაკმაყოფილებლად საკმარისი თავისუფალი თანალოკაციის ფართი, მაშინ 5 სამუშაო დღის ვადაში ხდება თანალოკაციის განხორციელება დანართი №3 შესაბამისად. ხოლო 4.10. და 4.11. პუნქტების მიხედვით გათვალისწინებული მოქმედებების დასრულების შემდეგ, თუ წინამდებარე ოფერტის 4.1 მუხლის ე) პუნქტის მიხედვით წარმოდგენილ განაცხადში მოთხოვნილია თანალოკაციის ფართის გამოყოფა და იგი საჭიროა მოთხოვნილი სქემით ურთიერთჩართვის განსახორციელებლად, მაშინ 10 სამუშაო დღის ვადაში ხდება სატესტო რეჟიმის დასრულება.
- 4.13. „აქცეპტანტის“ მიერ წინამდებარე ოფერტის 4.1. და 4.2. პუნქტებით დადგენილ პირობათა დაკმაყოფილებისას, 4.10., 4.11. და 4.12. პუნქტების მიხედვით გათვალისწინებული მოქმედებების დასრულების შემდეგ (გარდა იმ შემთხვევისა, როდესაც „აქცეპტანტის“ მოთხოვნის დაკმაყოფილება შეუძლებელია), „ოფერენტი“ ვალდებულია განმცხადებელს გაუგზავნოს მის მიერ ხელმოწერილი

ურთიერთჩართვის შესაბამისი ხელშეკრულება. „აქცეპტანტი“ ვალდებულია 7 (შვიდი) კალენდარული დღის ვადაში მის მიერ ხელმოწერილი ხელშეკრულება უკან დაუბრუნოს „ოფერენტს“. თუ ამ ვადაში ხელმოწერილი ხელშეკრულება არ იქნება დაბრუნებული, ჩაითვლება, რომ „აქცეპტანტი“ უარს აცხადებს ოფერტაზე და „ოფერენტი“ უფლებას იტოვებს დაუყოვნებლივ შეწყვიტოს „აქცეპტანთან“ ფაქტობრივი/სამართლებრივი ურთიერთობები (მათი არსებობის შემთხვევაში).

- 4.14. „აქცეპტანტის“ მიერ საბანკო გარანტიის/ავანსის წარმოდგენისას, ურთიერთჩართვის ხელშეკრულება ძალაში შედის მხარეთა მიერ მისი ხელმოწერის დღიდან. ხელშეკრულება შესაძლებელია გაფორმდეს საბანკო გარანტიის/ავანსის წარმოდგენამდეც, მაგრამ ამ შემთხვევაში, მხარეთა შორის გაფორმებული ხელშეკრულება ძალაში შევა „აქცეპტანტის“ მიერ წინამდებარე ოფერტის 4.2. პუნქტით განსაზღვრული წესით საბანკო გარანტიის/ავანსის ჩარიცხვის დამადასტურებელი დოკუმენტის „ოფერენტისთვის“ წარმოდგენის დღიდან.
- 4.15. ურთიერთჩართვის ხელშეკრულებების გაფორმებასთან ერთად, მხარეები 5 (ხუთი) დღის ვადაში შეათანხმებენ წინამდებარე ოფერტის 4.1 პუნქტის ე) ქვეპუნქტის მიხედვით წარმოდგენილ განაცხადში მოთხოვნილ დამატებითი მომსახურებების (ასეთის არსებობის შემთხვევაში) პირობებს და, შეთანხმების მიღწევის შემთხვევაში, გააფორმებენ შესაბამის დანართს ურთიერთჩართვის ხელშეკრულებაზე.
- 4.16. ის ავტორიზებული პირები, რომლებსაც აქვთ „ოფერტანტთან“ წინამდებარე ოფერტის შესაბამისად გაფორმებული მოქმედი ურთიერთჩართვისა და თანალოკაციის ფართთან დაშვების ხელშეკრულება, დამატებითი სიმძლავრის, დამატებითი თანალოკაციის ფართის ან/და დამატებით ურთიერთჩართვის წერტილთან დაშვების მოთხოვნის შემთხვევაში ვალდებული არიან იმოქმედონ მე-4 მუხლით დადგენილი წესით.
- 4.17. „ოფერენტის“ ქსელის საკომუტაციო ტერმინალურ ელემენტებთან დაშვებისა და ურთიერთჩართვის მომსახურების მიწოდებისათვის საჭირო კონკრეტული თანალოკაციის ფართების მისამართი ემთხვევა შესაბამისი ურთიერთჩართვის წერტილის მისამართს. ფართზე დაშვების პირობები (მათ შორის დაშვების საფასური) განსაზღვრულია №3 და №4 დანართებით;

მუხლი 5. ანგარიშსწორების პირობები

- 5.1. მხარეებს შორის ანგარიშსწორება წარმოებს ყოველთვიურად, გაწეული მომსახურებების შესახებ საოქმო გადაწყვეტილების საფუძველზე, სრული მოცულობით, არაუგვიანეს საანგარიშო თვის მომდევნო თვის შემდეგი თვის 10 (ათი) რიცხვისა. საოქმო გადაწყვეტილებაში აღნიშნული უნდა იყოს მომსახურების სახეები, ინფორმაცია ტრაფიკის შესახებ წამობრივი დამრგვალებით, მხარეთა კუთვნილი თანხები და საბოლოოდ გადასახდელი თანხა. მხარეები ერთმანეთს ელექტრონული ფოსტის გამოყენებით უზავნიან ინფორმაციას მათ მიერ გაწეული მომსახურების შესახებ (გაწეული მომსახურების სახის, მისი ოდენობისა და საფასურის მითითებით) არაუგვიანეს საანგარიშო თვის მომდევნო თვის 10 (ათი) რიცხვისა („ოფერენტისთვის“ მონაცემების მიწოდება ხდება ელექტრონული ფოსტის მისამართზე: invoices@silknet.com). „აქცეპტანტის“ მიერ მონაცემების დროულად არ წარმოდგენის შემთხვევაში გაწეული მომსახურებების შესახებ საოქმო გადაწყვეტილების შედგენა ხდება „ოფერენტის“ მონაცემების საფუძველზე. „ოფერენტი“ გაწეული მომსახურებების შესახებ საოქმო გადაწყვეტილებას „აქცეპტანტს“ უზავნის არაუგვიანეს საანგარიშო თვის მომდევნო თვის 15 (თხუთმეტი) რიცხვისა, ხოლო „აქცეპტანტი“ მის მიერ ხელმოწერილ ამავე საოქმო გადაწყვეტილების ერთ ეგზემპლარს „ოფერენტს“ უბრუნებს არაუგვიანეს საანგარიშო თვის მომდევნო თვის 20 (ოცი) რიცხვისა.
- 5.2. ორაზროვნების თავიდან აცილების მიზნით, წინააღმდეგობა მხარეების მიერ წარმოდგენილ მონაცემებს შორის არსებობს მხოლოდ მაშინ, როდესაც ერთ-ერთი მხარე წერილობითი ფორმით და წინამდებარე პუნქტის მიხედვით დადგენილი პირობების დაცვით მეორე მხარეს წარუდგენს გადაანგარიშების მოთხოვნას, საოქმო გადაწყვეტილების წარდგენიდან არაუგვიანეს 5 (ხუთი) სამუშაო დღის ვადაში. მხარის მიერ გადაანგარიშების მოთხოვნაში დაფიქსირებული უნდა იყოს დარიცხული თანხის რა ნაწილს ეთანხმება იგი და რას არა, რა საფუძველით ხდის სადაოდ დარიცხულ თანხას. ასევე, გადაანგარიშების მოთხოვნას თან უნდა დაერთოს ყველა ის დოკუმენტი თუ სხვა სახის მტკიცებულება, რომელიც ადასტურებს მხარის მოთხოვნის საფუძველიანობას. იმ შემთხვევაში, თუ მხარეთა მიერ წარმოდგენილ ტრაფიკის ოდენობის შესახებ მონაცემებში განსხვავება არ არის 1.5 პროცენტზე მეტი, რაც თავის მხრივ, არ უნდა იყოს 200 (ორასი) ლარზე მეტი, მხარეების მიერ მისაღები თანხები აღიარებულ იქნება ბილინგის ურთიერთმონაცემებზე დაყრდნობით (ანუ

თოთოეული მხარე შემოსავლის ნაწილში ეყრდნობა საკუთარ საბილინგო მონაცემებს, ხარჯვით ნაწილში – მეორე მხარის საბილინგო მონაცემებს).

- 5.3. 5.2. მუხლით განსაზღვრულ შემთხვევაში, თუ არსებობს წინააღმდეგობა მხარეების მიერ წარმოდგენილ მონაცემებს შორის, ანგარიშსწორება იწარმოებს ორმხრივად შეთანხმებულ არასადაო ნაწილზე, 5.1. პუნქტით დადგენილ ვადებში. „აქცეპტანტი“ „ოფერენტს“ აწვდის სადაო თვის სასადგურო ჩანაწერებს და სხვა საჭირო მონაცემებს. ამასთან, სასადგურე ჩანაწერებისადმი მინიმალური მოთხოვნა არის csv ფორმატი და ველები: Date; Time; cic; opc; dpc; Number A; Number B; Cause; Total time; Answer time; Duration. გადაანგარიშების მოთხოვნის მიღებიდან 2 სამუშაო დღის ვადაში შეუთანხმებელ ნაწილზე მხარეები ქმნიან ერთობლივ კომისიას, რომელიც 20 (ოცი) სამუშაო დღის ვადაში სწავლობს მხარეთა მიერ წარმოდგენილ შესაბამის დოკუმენტაციას და უზრუნველყოფს შეუთანხმებელი ნაწილის შეთანხმებას. ანგარიშსწორება განხორციელდება შეთანხმების ოქმის საფუძველზე ოქმის შედგენიდან 5 (ხუთი) სამუშაო დღის ვადაში. იმ შემთხვევაში, თუ მხარეები ვერ მიაღწევენ შეთანხმებას, თითოეული უფლებამოსილია მიმართოს საქართველოს კომუნიკაციების ეროვნულ კომისიას ან/და სასამართლოს. იმ შემთხვევაში, თუ მხარე უმიზეზოდ უარს ამბობს ოქმის ხელმოწერაზე ან/და შეგნებულად ხელს უშლის ერთობლივი კომისიის მუშაობას, ერთობლივი კომისიის მუშაობის, საქართველოს კომუნიკაციების ეროვნულ კომისიას ან/და სასამართლოში დავის განხილვის პერიოდში, გაწეული ურთიერთჩართვის მომსახურების საფასურის სრული ოდენობით მისაღებად „ოფერენტი“ უფლებამოსილია გამოიყენოს წინამდებარე ოფერტის 4.2. პუნქტით გათვალისწინებული უზრუნველყოფის საშუალება ან/და შეწყვიტოს ან/და შეაჩეროს მომსახურების გაწევა, კანონმდებლობით დადგენილი წესის შესაბამისად.
- 5.4. ყველა სხვა შემთხვევაში (მათ შორის, როდესაც „აქცეპტანტი“ არ აწერს ხელს საოქმო გადაწყვეტილებას), ანგარიშსწორება განხორციელდება „ოფერენტის“ მიერ „აქცეპტანტისათვის“ წარდგენილი გაწეული მომსახურებების შესახებ საოქმო გადაწყვეტილებაში დაფიქსირებული თანხების სრული ოდენობით, წინამდებარე ოფერტითა და ხელშეკრულებით გათვალისწინებული ვადებისა და პირობების შესაბამისად.
- 5.5. ანგარიშსწორების ვადის გადაცილების შემთხვევაში, „ოფერენტი“ უფლებამოსილია „აქცეპტანტს“ დააკისროს პირგასამტეხლო გადასახდელი თანხის 0.1%-ის ოდენობით ყოველ ვადაგადაცილებულ დღეზე. ამასთან, „აქცეპტანტის“ მიერ ჩარიცხული თანხებიდან პირველ რიგში დაიფარება პირგასამტეხლო/ჯარიმა (ასეთის არსებობის შემთხვევაში), ხოლო შემდეგ – ძირითადი დავალიანება.
- 5.6. პირგასამტეხლო(ებ)ის დაკისრება წარმოადგენს „ოფერენტის“ უფლებას და არა ვალდებულებას. პირგასამტეხლოს დარიცხვა ხორციელდება ვალდებულების დარღვევის დღიდან, თუ მხარეთა სპეციალური შეთანხმებით სხვა რამ არ არის გათვალისწინებული. „ოფერენტი“ უფლებამოსილია წინამდებარე ოფერტით და მის საფუძველზე გაფორმებული ხელშეკრულებით გათვალისწინებული უფლება/სანქციები, რომლებიც წარმოშობილია „აქცეპტანტის“ მხრიდან ვალდებულებების დარღვევის შედეგად, თავისი შეხედულებისამებრ გამოიყენოს როგორც ცალ-ცალკე, ასევე ერთობლივად.
- 5.7. ფინანსური ვალდებულების დარღვევაში იგულისხმება დადგენილ ვადაში „აქცეპტანტის“ მიერ „ოფერენტისათვის“ თანხის გადაუხდელობა ან/და არასრულად გადახდა.
- 5.8. თანხა გადახდილად ითვლება მხოლოდ იმ შემთხვევაში, როდესაც იგი აისახება „ოფერენტის“ საბანკო ანგარიშზე.
- 5.9. „აქცეპტანტი“ ვალდებულია ყოველდღიურად აკონტროლოს მის მიერ „ოფერენტისგან“ მისაღები/მიღებული ურთიერთჩართვის მომსახურების მოცულობა.
- 5.10. „აქცეპტანტი“ ვალდებულია:
- ა) გადაუხადოს „ოფერენტს“ მიღებული ურთიერთჩართვის მომსახურების ღირებულება, სანამ გაწეული მომსახურების ღირებულება გაუტოლდება „აქცეპტანტის“ მიერ წარმოდგენილი საბანკო გარანტიით გათვალისწინებულ თანხას;
 - ბ) ჩარიცხოს ახალი საავანსო თანხა, საავანსო თანხის სრულად გახარჯვამდე.

მუხლი 6. „ოფერენტის“ კუთვნილი ქსელთან ურთიერთჩართვის მომსახურების მიწოდების შესაბამისი ხელშეკრულების მოქმედების ვადა და შეწყვეტის პირობები:

- 6.1. ურთიერთჩართვის ხელშეკრულება მოქმედებს „აქცეპტანტის“ მიერ ავანსის სახით გადახდილი თანხის ამოწურვამდე, იმ შემთხვევაში თუ აღნიშნული მომენტისთვის „აქცეპტანტის“ მიერ არ არის ჩარიცხული ახალი საავანსო თანხა, წინამდებარე ოფერტის 4.1. პუნქტის ე) ქვეპუნქტით დადგენილი წესით.

- 6.2. ურთიერთჩართვის ხელშეკრულება მოქმედებს იმ ვადამდე, სანამ „აქცეპტანტის“ მიერ წარდგენილი საბანკო გარანტიით განსაზღვრული თანხის ოდენობა არ გაუტოლდება „ოფერენტის“ მიერ გაწეული მომსახურების ღირებულებას და გაწეული მომსახურების ღირებულება არ არის გადახდილი „აქცეპტანტის“ მიერ.
- 6.3. ურთიერთჩართვის ხელშეკრულების მოქმედების ვადის გავლა იწვევს „აქცეპტანტთან“ ურთიერთჩართვის გაუქმებას, რაც ხორციელდება ყოველგვარი დამატებითი გაფრთხილების გარეშე.
- 6.4. ურთიერთჩართვის ხელშეკრულების შეწყვეტა ხორციელდება საქართველოს მოქმედი კანონმდებლობით დადგენილი წესითა და საფუძვლებით.

მუხლი 7. ინფორმაციის გაცვლა მხარეთა შორის

- 7.1. მხარეები თანხმდებიან, რომ გაცვლიან ქსელის ტექნიკურ და სხვა ინფორმაციას, რომელიც საჭიროა ხარისხისიანი, ხელმისაწვდომი და ეფექტური ურთიერთჩართვის უზრუნველსაყოფად. ამასთან, ერთ-ერთი მხარის მიერ მიწოდებული ნებისმიერი სახის ინფორმაცია ჩაითვლება კონფიდენციალურად. ეს ინფორმაცია შეიძლება გამოყენებული იქნას მხოლოდ იმ მიზნებისათვის, რისთვისაც ის იქნა მიწოდებული.
- 7.2. ამ ოფერენტის 7.1. პუნქტით დადგენილი ინფორმაციის გარდა, გადასაცემ ინფორმაციად მიიჩნევა ბილინგის ინფორმაცია.
- 7.3. მხარეები არ არიან უფლებამოსილნი მეორე მხარის ნებართვის გარეშე გადასცენ მესამე პირს ზემოხსენებული ინფორმაცია, თუ კანონის საფუძველზე არ არსებობს ასეთი ინფორმაციის გამჟღავნების ვალდებულება.
- 7.4. ინფორმაციის მიწოდების პერიოდულობა განისაზღვრება მხარეთა საჭიროების მიხედვით. მეორე მხარის მიერ ინფორმაციის მიწოდების შესახებ განცხადების მიღების შემთხვევაში, სათანადო ინფორმაცია გაცემულ უნდა იქნას არაუგვიანეს 10 (ათი) კალენდარულ დღეში.

მუხლი 8. “ოფერენტის” კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდების ექსტრაორდინალურ და ფორსმაჟორულ შემთხვევებთან დაკავშირებული პირობები

- 8.1. „ოფერენტმა“ და „აქცეპტანტმა“ 5 (ხუთი) სამუშაო დღით ადრე უნდა შეატყობინონ ერთმანეთს მათი ქსელის გეგმიური სარემონტო ან სხვაგვარი სამუშაოების ჩატარების შესახებ, რამაც შეიძლება გამოიწვიოს ურთიერთჩართვის ტრაფიკის გატარების შეფერხება.
- 8.2. 8.1 პუნქტით გათვალისწინებული წინასწარი გაფრთხილების ვადა შეიძლება შემცირდეს ან საერთოდ გამოირიცხოს, თუ სარემონტო, ან აღდგენითი, ან სხვაგვარი სამუშაოების ჩატარება „ოფერენტს“ არ შეეძლო წინასწარ გათვალისწინებინა და თუ სამუშაოების ჩატარება საჭიროა დაუყოვნებლივ, როცა დაყოვნებამ შეიძლება გამოიწვიოს ქსელის ტექნიკური საშუალებების დაზიანება ან სხვა მძიმე შედეგი. ამ პუნქტით გათვალისწინებული გარემოების დადგომის შემთხვევაში, „ოფერენტი“ „აქცეპტანტს“ აცნობებს წერილობით აღნიშნული გარემოების დადგომიდან 5 (ხუთი) სამუშაო დღის ვადაში.
- 8.3. მხარეებმა დაუყოვნებლივ უნდა შეატყობინონ ერთმანეთს მათი ქსელის ყველა იმ დაზიანების შესახებ, რამაც შეიძლება გავლენა მოახდინოს ურთიერთჩართვის მომსახურების მიწოდებაზე და შესთავაზოს ალტერნატიული გზები ტრაფიკის გასატარებლად, ასეთის არსებობის შემთხვევაში.
- 8.4. მხარეები თავისუფლდებიან პასუხისმგებლობისაგან მათ მიერ ნაკისრი ვალდებულებების სრული ან ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია ვალდებულებების შესრულება.
- 8.5. „დაუძლეველი ძალის“ ქვეშ იგულისხმება გარემოებები, რომლებიც არ არსებობენ ხელშეკრულების დადების დროს და რომელთა დადგომა თუ ზემოქმედება მხარეებს არ შეუძლიათ თავიდან აეცილებინათ და გადაელახათ.
- 8.6. დაუძლეველი ძალის გარემოებებს მიეკუთვნება სტიქიური უბედურებები (წყალდიდობა, მიწისძვრა, ხანძარი და სხვა) აფეთქებები (მათ შორის ტერორისტული თუ დივერსიული აქტები). საომარი მოქმედებები (მათ შორის სამოქალაქო არეულობები და გაფიცვები), ხელისუფლების ისეთი აქტები, რაც არსებითად აფერხებს მხარეთა მიერ ნაკისრი ვალდებულებების შესრულებას და სხვა.
- 8.7. თუ ზემოხსენებულმა გარემოებებმა უშუალოდ იმოქმედეს ურთიერთჩართვის ხელშეკრულებით ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება. მხარე, რომლისთვისაც ფორსმაჟორული გარემოებების დადგომის გამო შეუძლებელი გახდა ვალდებულებების შესრულება, ვალდებულია დაუყოვნებლივ,

მაგრამ არა უგვიანეს 7 (შვიდი) დღისა ამ გარემოებების დადგომიდან ან დასრულებიდან, შეატყობინოს მეორე მხარეს წერილობით. შეუტყობინებლობის, ან დაგვიანებით შეტყობინების შემთხვევაში მხარე კარგავს უფლებას დაეყრდნოს ფორს-მაჟორული გარემოებების არსებობას, როგორც პასუხისმგებლობისაგან გათავისუფლების საფუძველს.

მუხლი 9. ქსელის საკომუტაციო ტერმინალურ ელემენტებთან დაშვებისა და ურთიერთჩართვის უსაფრთხოების დაცვა

- 9.1. „ოფერენტი“ და „აქცეპტანტი“ ვალდებული არიან უწყვეტ რეჟიმში აკონტროლონ ქსელის უსაფრთხოება და გამართული ფუნქციონირება.
- 9.2. მოთხოვნის შემთხვევაში, მხარეები ვალდებული არიან უზრუნველყონ ერთმანეთის თანამშრომელთა დაშვება არსებულ შეერთებებთან, რათა მათ შეძლონ სპეციალური ხელსაწყოების გამოყენებით გააკონტროლონ შემავალი და გამავალი ტრაფიკი ჩართვის წერტილებში.
- 9.3. ავარიის შემთხვევაში (ანუ მხარეთა ტექნიკური საშუალებების ისეთ დაზიანება, რაც არ არის გამოწვეული ფორსმაჟორული გარემოებებით), მხარე, რომლის ტექნიკური საშუალებებიც გამოვიდნენ მწყობრიდან დაუყოვნებლივ ატყობინებს მეორე მხარეს ავარიის შესახებ და იღებს ყველა ზომას, რათა მინიმალურ ვადებში აღმოფხვრას ავარიის შედეგები და აღადგინოს ურთიერთჩართვა კონკრეტულ ან ყველა ურთიერთჩართვის წერტილში.
- 9.4. „აქცეპტანტი“ იღებს ვალდებულებას, რომ მისი აპარატურა და დანადგარები, რომლებიც მიერთებული იქნებიან „ოფერენტის“ აპარატურასთან, იქნება თავსებადი, არ დააზიანებს „ოფერენტის“ აპარატურას ან/და არ გამოიწვევს „ოფერენტის“ ქსელის ნორმალური ფუნქციონირების საზიანო ხელშეშლას.
- 9.5. 9.4. პუნქტში მითითებული გარემოებების დადგომისას, თუ სხვა საშუალებით საფრთხის არიდება შეუძლებელია, მხარე შეაჩერებს ურთიერთჩართვას და დაუყოვნებლივ მიიღებს ყველა ზომას ხელისშეშლელი ფაქტორების აღმოსაფხვრელად. საჭიროების შემთხვევაში მხარეები შექმნიან ერთობლივ კომისიას. საზიანო ხელშეშლა გულისხმობს ხელშეშლას, რომელიც საზიანო (მავნე) ზეგავლენას ახდენს მხარის კუთვნილი ქსელის ელემენტებზე, აპარატურაზე, მოწყობილობებზე, ბოლო მომხმარებლის ტერმინალურ მოწყობილობებზე და ნებისმიერ საგანზე, რომელიც შეაფერხებს ურთიერთჩართვას ან დაუკარგავს ხარისხს ან გამოიწვევს ურთიერთჩართვის გაწყვეტას ან რაიმე სახის ზეგავლენას მოახდენს ქსელის უსაფრთხოებაზე ან საფრთხეს შეუქმნის მის გამართულ ფუნქციონირებას და ურთიერთოპერაბელურობას.
- 9.6. მხარეები ვალდებული არიან დაიცვან ქსელის მთლიანობა და უსაფრთხოება, არ დაუშვან საკუთარ ქსელში და ქსელის ელემენტებთან ნებისმიერი არასანქცირებული შეღწევა. ასეთი ფაქტის დაფიქსირების შემთხვევაში, მხარე, რომლის ქსელიდან მოხდა არასანქცირებული შეღწევა არ თავისუფლდება მეორე მხარის წინაშე ანგარიშსწორების და ზიანის მიყენების შემთხვევაში მისი ანაზღაურების ვალდებულებისაგან. არასანქცირებული შეღწევა გულისხმობს მესამე პირის მიერ „ოფერენტის“/„აქცეპტანტის“ ქსელის ან ქსელის ელემენტების გამოყენებას, რომელიც არ არის ნებადართული (სანქცირებული) „ოფერენტის/აქცეპტანტის“ მიერ, ეწინააღმდეგება მათ ნებას და არ გამომდინარეობს წინამდებარე ოფერტიტა და მათ შორის გაფორმებული ხელშეკრულებიდან.

მუხლი 10. „ოფერენტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდების შესაბამისი ხელშეკრულებებიდან გამომდინარე დავების განხილვის წესი:

- 10.1. ხელშეკრულებიდან გამომდინარე ნებისმიერი დავა განხილული და გადაწყვეტილი იქნება სასამართლოს მიერ, გარდა იმ დავებისა, რომელთა განხილვაც „ელექტრონული კომუნიკაციების შესახებ“ საქართველოს კანონის თანახმად, მხოლოდ საქართველოს კომუნიკაციების ეროვნული კომისიის პრეროგატივას წარმოადგენს.

მუხლი 11. დასკვნითი დებულებები

- 11.1. წინამდებარე ოფერტასა და მხარეთა შორის გაფორმებულ ხელშეკრულებას შორის სხვაობის ან წინააღმდეგობის არსებობისას უპირატესი ძალა ენიჭება ხელშეკრულებით გათვალისწინებულ პირობებს, გარდა მომსახურების საფასურის, დაშვების, მათ შორის თანალოკაციის ფართზე დაშვების პირობებისა და კანონმდებლობით გათვალისწინებული სხვა შემთხვევებისა.
- 11.2. ამ ოფერტაში ცვლილების შეტანა ხორციელდება შესაბამისი ცვლილების კომისიის ვებ-გვერდზე გამოქვეყნებით. ოფერტაში ცვლილების შეტანა ავტომატურად გულისხმობს ყველა მოქმედ ურთერთჩართვის ხელშეკრულებაში ცვლილების შეტანას იმ რედაქციითა და მოცულობით, რაც გამოქვეყნებული იქნება კომისიის ვებ გვერდზე.

მუხლი 12. ოფერტის მოქმედების ვადა

- 12.1. წინამდებარე ოფერტა ჩაენაცვლება სს „სილქნეტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების 2011 წლის 14 თებერვლის შეთავაზებას და წინამდებარე ოფერტის ძალაში შესვლით ძალადაკარგულად ცხადდება 2011 წლის 14 თებერვლის ოფერტა.
- 12.2. წინამდებარე ოფერტა ძალაში შედის 2012 წლის 01 ნოემბრიდან და მოქმედებს 6 (ექვსი) თვის ვადით, 2013 წლის 01 მაისამდე.

დანართი №1

ადგილობრივი მომსახურების ზონები, სადაც “ოფერენტს” დაკისრებული აქვს მისი კუთვნილი ფიქსირებული სადენიანი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდების ვალდებულება და ურთიერთჩართვის მომსახურების მიწოდების მისამართები (ურთიერთჩართვის წერტილი):

ზესტაფონის ადგილობრივი მომსახურების ზონა	აღმაშენებლის #21
ფოთის ადგილობრივი მომსახურების ზონა	წმ. გიორგის #16
ბოლნისის ადგილობრივი მომსახურების ზონა	სულხან-საბას #142
ზუგდიდის ადგილობრივი მომსახურების ზონა	რუსთაველის #92
აბაშის ადგილობრივი მომსახურების ზონა	თავისუფლების #52
ადიგენის ადგილობრივი მომსახურების ზონა	თამარ მეფის #1
ამბროლაურის ადგილობრივი მომსახურების ზონა	კოსტავას #28
ასპინძის ადგილობრივი მომსახურების ზონა	რუსთაველის #10
ახალქალაქის ადგილობრივი მომსახურების ზონა	მიკოიანის #15
ახალციხის ადგილობრივი მომსახურების ზონა	თამარ მეფის #9
ახმეტის ადგილობრივი მომსახურების ზონა	ლესელიძის #3
ბაღდათის ადგილობრივი მომსახურების ზონა	ვაჟა-ფშაველას #3
ბორჯომის ადგილობრივი მომსახურების ზონა	რუსთაველის #103
გარდაბანის ადგილობრივი მომსახურების ზონა	აღმაშენებლის #72
გორის ადგილობრივი მომსახურების ზონა	სტალინის #15
გურჯაანის ადგილობრივი მომსახურების ზონა	თავისუფლების #7
დედოფლის წყაროს ადგილობრივი მომსახურების ზონა	რუსთაველის #53
დმანისის ადგილობრივი მომსახურების ზონა	წმ. ნინოს #46
დუშეთის ადგილობრივი მომსახურების ზონა	სტალინის #21
ვანის ადგილობრივი მომსახურების ზონა	თავისუფლების #77
თეთრიწყაროს ადგილობრივი მომსახურების ზონა	თამარ მეფის #70
თელავის ადგილობრივი მომსახურების ზონა	ერეკლე II გამზ. #12
თერჯოლის ადგილობრივი მომსახურების ზონა	რუსთაველის #34
თიანეთის ადგილობრივი მომსახურების ზონა	ლაშარის #5
კასპის ადგილობრივი მომსახურების ზონა	საკაძის #1
ლაგოდეხის ადგილობრივი მომსახურების ზონა	26 მაისის #4
ლანჩხუთის ადგილობრივი მომსახურების ზონა	ქორდანას #103
მარნეულის ადგილობრივი მომსახურების ზონა	რუსთაველის #47
მარტვილის ადგილობრივი მომსახურების ზონა	თავისუფლების #4
ნინოწმინდის ადგილობრივი მომსახურების ზონა	კარლ მარქსის #22
ოზურგეთის ადგილობრივი მომსახურების ზონა	გოგებაშვილის #4
საგარეჯოს ადგილობრივი მომსახურების ზონა	სტალინის #102

სამტრედიის ადგილობრივი მომსახურების ზონა
საჩხერის ადგილობრივი მომსახურების ზონა
სენაკის ადგილობრივი მომსახურების ზონა
სიღნაღის ადგილობრივი მომსახურების ზონა
ტყიბულის ადგილობრივი მომსახურების ზონა
ქარელის ადგილობრივი მომსახურების ზონა
ქედას ადგილობრივი მომსახურების ზონა
ქობულეთის ადგილობრივი მომსახურების ზონა
ყაზბეგის ადგილობრივი მომსახურების ზონა
ყვარელის ადგილობრივი მომსახურების ზონა
შუახევის ადგილობრივი მომსახურების ზონა
ჩოხატაურის ადგილობრივი მომსახურების ზონა
ჩხოროწყუს ადგილობრივი მომსახურების ზონა
ცაგერის ადგილობრივი მომსახურების ზონა
წალკის ადგილობრივი მომსახურების ზონა
წყალტუბოს ადგილობრივი მომსახურების ზონა
ჭიათურის ადგილობრივი მომსახურების ზონა
ხარაგაულის ადგილობრივი მომსახურების ზონა
ხაშურის ადგილობრივი მომსახურების ზონა
ხობის ადგილობრივი მომსახურების ზონა
ხონის ადგილობრივი მომსახურების ზონა
ხულოს ადგილობრივი მომსახურების ზონა

რუსთაველის #32/(თამარ მეფის #3)
ფარნავაზ მეფის #3
რუსთაველის #253
ც. დადიანის #22
გამსახურდიას #53
მგალობლიშვილის #5
ჭავჭავაძის #4
აღმაშენებლის #135
ალ. ყაზბეგის #10
ჭავჭავაძის #73
რუსთაველის #14
დუმბაძის #7
მშვიდობის #2
რუსთაველის #58
25 მარტის #77
რუსთაველის #7
ჭავჭავაძის #4
სოლომონ მეფის #52
რუსთაველის #1
ცოტნე დადიანის #181
მოსე ხონელის #5
ტბელ აბუსერიძის #7

დანართი №2

სს „სილქნეტის“ კუთვნილი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მოთხოვნის (განაცხადის) ფორმა.

1. მომსახურების ტიპი

ახალი მოთხოვნა

ურთიერთჩართვის მოწყობა

2. საკონტაქტო ინფორმაცია (ივსება ოპერატორის მიერ)

ინფორმაცია კომპანიის შესახებ

საკონტაქტო პირის ნომერი	
კომპანიის სახელწოდება	
ხელმძღვანელი პირი	
საიდენტიფიკაციო ნომერი	

3. მომსახურების სახე

ურთიერთჩართვის წერტილი:

თბილისი
 ქუთაისი
 ბათუმი

მირითადი მომსახურება:

სილქნეტის ადგილობრივი მომსახურების ზონაში ქსელში ტრაფიკის ტერმინაცია/ორიგინაცია

საქართველოს დანაჩენ ტერიტორიაზე სილქნეტის ადგილობრივი მომსახურების ზონაში ქსელში ტრაფიკის ტერმინაცია/ორიგინაცია

ტრაფიკის საშუალო დღიური მოცულობა (წუთი)

E1-ს რაოდენობა:

ორმხრივი

შემომავალი/Incoming

გამავალი/Outgoing

დამატებითი მომსახურება:

<input type="checkbox"/> ტრანზიტი მესამე ოპერატორის ქსელში	ტრაფიკის საშუალო დღიური მოცულობა(წუთი):	<input type="text"/>
<input type="checkbox"/> საერთაშორისო ტრანზიტი	ტრაფიკის საშუალო დღიური მოცულობა(წუთი):	<input type="text"/>
<input type="checkbox"/> თანხის ამოღების მომსახურება	ტრაფიკის საშუალო დღიური მოცულობა(წუთი):	<input type="text"/>

4. სასადგურე ინფორმაცია/უზრუნველყოფა

ადგილმდებარეობა	ოპერატორი
სიგნალიზაციის ტიპი	SS7
სიგნალიზაციის პოინტ კოდი	<input type="checkbox"/> International, Network Indicator NI = 0 5803 decimal , 2-213-3 international format <input type="checkbox"/> National, Network Indicator (1-3) NI = <input type="text"/>

5. თანალოკაცია

<input type="checkbox"/> თანალოკაციის ფართის მოთხოვნა	<input type="checkbox"/> თბილისი, წინამძღვრიშვილის ქ. #95 <input type="checkbox"/> ქუთაისი, თამარ მეფის გამზ. #22 <input type="checkbox"/> ბათუმი, 26 მაისის ქ. #47
მოთხოვნის თარიღი:	მომსახურების მიღების სასურველი თარიღი :

თბილისი, წინამძღვრიშვილის ქ. #95
 ოპერატორის თანალოკაციის კარადა (ძირითადი მომსახურება) - ზომები:
 აპარატურის ტიპი, მწარმოებელი, აღწერა და სერიული ნომერი:

სავარაუდო ფართი:
 საერთო ელ. დატვირთვა:

დამატებითი მომსახურება:

სილქნეტის თანალოკაციის კარადა სილქნეტის უწყვეტი ელ. კვება

ქუთაისი, თამარ მეფის გამზ. #22
 ოპერატორის თანალოკაციის კარადა (ძირითადი მომსახურება) - ზომები:
 აპარატურის ტიპი, მწარმოებელი, აღწერა და სერიული ნომერი:

სავარაუდო ფართი:
 საერთო ელ. დატვირთვა:

დამატებითი მომსახურება:

სილქნეტის თანალოკაციის კარადა სილქნეტის უწყვეტი ელ. კვება

ბათუმი, 26 მაისის ქ. #47
 ოპერატორის თანალოკაციის კარადა (ძირითადი მომსახურება) - ზომები:
 აპარატურის ტიპი, მწარმოებელი, აღწერა და სერიული ნომერი:

სავარაუდო ფართი:
 საერთო ელ. დატვირთვა:

დამატებითი მომსახურება:

სილქნეტის თანალოკაციის კარადა სილქნეტის უწყვეტი ელ. კვება

6. გადაცემა (ტრანსმისია)

ურთიერთჩართვის ტიპი: E1 (2Mbit/s)
 ახალი შეერთება:

ახალი შეერთების პროექტირება:
 სილქნეტის მიერ;
 ოპერატორის მიერ;

სხვა კომენტარი:

ინტერფეისი

ოპერატორის ინტერფეისი <input type="checkbox"/> G.703, 120 Ω (2Mbit/s) <input type="checkbox"/> G.957 (STM-1) (2Mbps,34Mbps,45Mbps 155 Mbps)	სილქნეტის ინტერფეისი <input type="checkbox"/> G.703, 120 Ω (2Mbit/s) <input type="checkbox"/> G.957 (STM-1) (2Mbps,34Mbps,45Mbps 155 Mbps)
---	--

კონექტორის ტიპი

120 Ohm= DSUB or RJ 45
 Optical = SC/PC

120 Ohm= DSUB or RJ 45
 Optical = SC/PC

7. ტესტები

Transmission Test

C7 Test

დამატებითი ტესტები (გთხოვთ აღწეროთ): #####

8. სილქნეტის საკონტაქტო ინფორმაცია

საკონტაქტო პირის ნომერი:	ელ. ფოსტა:	ფაქსი:
--------------------------	------------	--------

9. დამატებითი ინფორმაცია

--

10. დასტური

ვადასტურებ, რომ გავეცანი, ვეთანხმები და უპირობოდ შევასრულებ სს „სილქნეტის“ საკუთარი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების შეთავაზების წინადადების (მოწვევის ოფერტის) ყველა პირობას.

კომპანიის ხელმძღვანელი

_____ /

დანართი №3

„ოფერენტის“ თანალოკაციის ფართებთან „აქცეპტანტის“ დაშვების პირობები

თანალოკაციის ფართთან დაშვების წესი:

1. „აქცეპტანტის“ წარმომადგენლების დაშვება იმ შენობებში, სადაც მათი აპარატურული კარადები და სხვა მოწყობილობებია განთავსებული, განხორციელდეს სპეციალური საშვების საშუალებით, რომლის გაცემასაც ახორციელებს „ოფერენტის“ შესაბამისი სტრუქტურული ქვედანაყოფის ხელმძღვანელი შესაბამისი სამსახურის წერილობითი შეტყობინების საფუძველზე, რომელშიც მიეთითება „აქცეპტანტის“ დაშვებაზე უფლებამოსილი კონკრეტული თანამშრომლის თანამდებობა, სახელი და გვარი.
2. შენობებში დაშვება ხორციელდება სათაო ორგანიზაციის მიერ დადგენილ ვადებში.
3. „აქცეპტანტი“ ვალდებულია წინასწარ მიმართოს „ოფერენტს“ აპარატურის შეტანის, დემონტაჟისა ან/და შენობიდან გამოტანის მოთხოვნით. მიმართვაში დაფიქსირებული უნდა იყოს აპარატურის ზუსტი მონაცემები და ასევე იმ პირის ვინაობა, ვინც უნდა განახორციელოს შესაბამისი სამუშაოები.
4. აპარატურის გადატანა, შენობაში შეტანა, დემონტაჟი და შენობიდან გამოტანა ხორციელდება „აქცეპტანტის“ წერილობით მიმართვაზე „ოფერენტის“ შესაბამისი სტრუქტურული ქვედანაყოფის წერილობითი ნებართვის საფუძველზე. აპარატურის შეტანის მოთხოვნის შემთხვევაში „ოფერენტი“ ნებართვას გასცემს, თუ „აქცეპტანტის“ მიერ წარმოდგენილია აპარატურის ზუსტი მონაცემები (მათ შორის: მარკა, მოდელი, სერიული ნომერი და გაბარიტები) და ამასთანავე, აპარატურის განთავსება თანალოკაციის ფართზე არ უქმნის რაიმე რისკს შენობა/ნაგებობებსა და სხვა განთავსებულ აპარატურას. ნებართვაზე უარის შემთხვევაში „ოფერენტი“ აცნობებს „აქცეპტანტს“ უარის მიზეზს. ნებართვის გაცემის შემთხვევაში ნებართვის ერთი ასლი გადაეცემა დაცვის სამსახურს. ნებართვაში დაფიქსირებული უნდა იყოს ნებართვის მოქმედების ვადა (მინიმუმ 10 (ათი) სამუშაო დღე), აპარატურის ზუსტი მონაცემები და იმ პირის ვინაობა, ვინც უნდა განახორციელოს შესაბამისი სამუშაოები.
5. სამუშაოების შესრულების შემდეგ მხარეების წარმომადგენლებს („აქცეპტანტის“ მხრიდან სამუშაოების განმხორციელებელი პირები, ხოლო „ოფერენტის“ მხრიდან შესაბამისი სტრუქტურული ერთეულის მიერ გამოყოფილი პირები) შორის ფორმდება მიღება-ჩაბარების აქტი, სადაც მითითებული უნდა იყოს: სამუშაოების განხორციელების თარიღი, სამუშაოების ტიპი, აქტის ხელმომწერი პირების თანამდებობა, ვინაობა, აპარატურის ზუსტი მონაცემები (მათ შორის: მარკა, მოდელი, სერიული ნომერი და გაბარიტები), შესაბამისი თანალოკაციის ფართის მისამართი.
6. „აქცეპტანტის“ წარმომადგენლები ვალდებული არიან დაიცვან ხანძარსაწინააღმდეგო და ელექტროუსაფრთხოების ზომები, აგრეთვე სისუფთავე და წესრიგი.

დანართი №4

სს „სილქნეტის“ თანალოკაციის ფართზე დაშვების პირობები

ტარიფები:

მომსახურების ტიპი	თბილისი	ქუთაისი	აჭარა	რუსთავი	ზუგდიდი	საქართველოს დანარჩენი რეგიონები
დაშვება თანალოკაციის ფიზიკურ ფართზე (ლარი/თვე კვმ-ზე)	114.48	124.63	99.19	107.47	28.84	69.75
დაშვების საათობრივი განაკვეთი – დღის სამუშაო [ორშაბათი – პარასკევი, 09:00–18:00] (ლარი/სთ)	6.25	6.06	3.98	6.25	2.61	5.11
დაშვების საათობრივი განაკვეთი – დღის სამუშაოს გარდა (ლარი/სთ)	8.75	8.49	5.57	8.75	3.66	7.16

შენიშვნა: ფასები მოცემულია დღგ-ს გარეშე

აპარატურის სიმაღლის ტექნიკური სტანდარტი

აპარატურის სიმაღლის ტექნიკური სტანდარტი არის შემდეგი:

- აპარატურული კარადის მინიმალური ზომა 60X60X9U;
- აპარატურული კარადის მაქსიმალური ზომა 60X80X42U (2.20მ);
- სერვერის მინიმალური ზომა 60X100X42U;
- სერვერის მაქსიმალური ზომა 80X100X42U.